

Ҳар кунинг Набрўз бўлсин, жонажон Ўзбекистоним!

Inson manfaatlari — oliy qadriyat

ADOLAT

IJTIMOIY-SIYOSIY GAZETA

2023-YIL 17-MART, JUMA

№ 10-11 (1426)

info@adolatgzt.uz
www.adolat.uz
adolatgz-95@mail.ru
t.me/Gazeta_Adotat
adolat24.uz/

QR коди
орқали
газетанинг
электрон
вариантини
юклаб олинг!



Мамлакатимиз ижтимоий-сиёсий ҳаётида янги ланишлар йўли

Айни кунларда республикамиз ижтимоий-сиёсий ҳаётида катта ўзгаришлар, янги ланишлар рўй бермоқда.

Жорий йил 10 март куни Олий Мажлис Қонунчилик палатаси мажлиси ўтказилиб, унда Конституциявий қонун лойиҳаси бўйича референдумни тайинлаш ва ўтказиш тўғрисида қарор қабул қилинди. Қарорда лойиҳанинг Конституцияга мувофиқлигини аниқлаш учун Конституциявий судга юбориш ва унинг ҳулосасини олиш белгиланган эди. Конституциявий суд жорий йил 13 март куни ўз мажлисини ўтказиб, оқоридаги қарорни ўрганди ва уни Конституцияга мувофиқ деб топти.

Мамлакатимизда "Конституциянинг ягона манбаи ва муаллифи халқ бўлиши керак" деган ғоя асосида Конституциявий қонун лойиҳаси бўйича умумхалқ муҳокамаси ўтказилиб, аҳолидан уни такомиллаштириш бўйича 220 мингдан зиёд таклифлар келиб тушди ва уларнинг ҳар тўрттасидан биттаси лойиҳадан жой олди.

Конституциявий қонун лойиҳасини тайёрлаш жараёнида БМТ, ЕҚХТ, ШХТ, ЕИ, Туркий давлатлар ташкилоти ва Бошқа халқаро ташкилотлар томонидан қабул қилинган 400 дан ортиқ халқаро ҳужжатлар, 190 га яқин мамлакатлар конституциялари таҳлил этилди.

Конституциявий қонун лойиҳаси халқаро эксперт ва мутахассислар иштирокида бир неча бор муҳокама қилинди, 10 га яқин хорижий ва халқаро экспертлардан ўтказилиб, улар томонидан ҳам қўллаб-қувватланди.

Жорий йилнинг 14 март куни "Ўзбекистон Республикаси Конституцияси тўғрисида"ги Ўзбекистон Республикаси Конституциявий қонун лойиҳаси бўйича Ўзбекистон Республикаси референдумини ўтказиш ҳақида Олий Мажлис Сенатининг қарори қабул қилинди. Қарорга кўра "Ўзбекистон Республикаси Конституцияси тўғрисида"ги Ўзбекистон Республикаси Конституциявий қонун лойиҳаси бўйича Ўзбекистон Республикаси референдуми 2023 йил 30 апрель — яқинда кўриб ўтказилган бўлди. "Ўзбекистон Республикасининг референдум тўғрисида"ги Ўзбекистон Республикаси қонунининг 40-моддасига мувофиқ Ўзбекистон Республикаси референдумида қабул қилинган қонун Ўзбекистон Республикаси Марказий сайлов комиссияси томонидан референдум яқунлари расмий эълон қилинган кундан эътиборан кучга кириши белгиланди.

Шунингдек, "Ўзбекистон Республикаси Конституцияси тўғрисида"ги Ўзбекистон Республикаси Конституциявий қонун лойиҳасининг матни иловага мувофиқ маъқулланди. Лойиҳа умумхалқ муҳокамаси учун матбуотда эълон қилинди.

Конституциявий ислохотлар мамлакатимиз ҳаётининг барча жабҳаларида кеңайтиш туб ўзгаришларнинг узвий қисми бўлиб, уларнинг мустаҳкам ҳуқуқий асосини яратди ҳамда Асосий Қонунимизни жамиятдаги бугунги реал воқеликка ва ислохотларимиз мантиғига мослаштиришга хизмат қилди.

ЎЗБЕКИСТОН РЕСПУБЛИКАСИ КОНСТИТУЦИЯВИЙ ҚОНУНИНИНГ ЛОЙИҲАСИ

ЎЗБЕКИСТОН РЕСПУБЛИКАСИ КОНСТИТУЦИЯСИ ТЎҒРИСИДА

1-модда. 1992 йил 8 декабрда ўн иккинчи қақриқ Ўзбекистон Республикаси Олий Кенгашининг ўн биринчи сессиясида қабул қилинган **Ўзбекистон Республикасининг Конституцияси**га (Ўзбекистон Республикаси Олий Кенгашининг Ахборотномаси, 1993 йил, № 1, 4-модда; 1994 йил, № 1, 5-модда; Ўзбекистон Республикаси Олий Мажлисининг Ахборотномаси, 2003 йил, № 3-4, 27-модда; Ўзбекистон Республикаси Олий Мажлиси палаталарининг Ахборотномаси, 2007 йил, № 4, 162-модда; 2008 йил, № 12, 637-модда; 2011 йил, № 4, 100-модда, № 12/1, 343-модда; 2014 йил, № 4, 85-модда; 2017 йил, № 4, 134-модда, № 5, 200-модда, № 8, 383-модда; 2018 йил, № 10, 674-модда; 2019 йил, № 2, 47-модда, № 3, 162-модда, № 9, 588-модда; 2021 йил, № 2, 139, 140-моддалар) ўзгартириш ва қўшимчалар киритилиб, унинг қуйидаги янги тахрири тасдиқланган:

«ЎЗБЕКИСТОН РЕСПУБЛИКАСИ КОНСТИТУЦИЯСИ МУҚАДДИМА

Биз, Ўзбекистоннинг ягона халқи, инсон ҳуқуқ ва эркинликларига, миллий ва умуминсоний қадриятларга, давлат суверенитети принципларига содиқлигимизни тантанали равишда эълон қилиб, демократия, эркинлик ва тенглик, ижтимоий адолат ва бирдамлик ғояларига садоқатимизни намойиш қилиб, инсон, унинг ҳаёти, эркинлиги, шаъни ва қадр-қиммати олий қадрият ҳисобланадиган инсонпарвар демократик давлатни, очик ва адолатли жамиятни барпо этиш борасида ҳозирги ва келажак авлодлар олдидаги юксак масъулиятимизни англаган ҳолда, давлатчилигимиз ривожининг уч минг йилдан зиёд тарихий тажрибасига, шунингдек жаҳон цивилизациясига бекиёс ҳисса қўшган буюк аجدларимизнинг илмий, маданий ва маънавий меросига таяниб, мамлакатимизнинг бебаҳо табиий бойлиқларини қўлайтиришга ҳамда ҳозирги ва келажак авлодлар учун асраб-авайлашга ҳамда атроф-муҳит мусоффолигини сақлашга астойдил аҳд қилиб, халқаро ҳуқуқнинг умумэтироф этилган принцип ва нормаларига асосланган ҳолда, Ўзбекистоннинг жаҳон ҳамжамияти, энг аввало, қўшни давлатлар билан дўстона муносабатларини ҳамкорлик, узаро қўллаб-қувватлаш, тинчлик ва тотувлик асосида мустаҳкамлаш

ҳамда ривожлантиришга интилиб, фуқароларнинг муносиб ҳаёт кечиришини, миллатлараро ва конфессиялараро тотувликни, кўп миллатли жонажон Ўзбекистонимизнинг фаровонлигини ва гуллаб-яшнашини таъминлашни мақсад қилган ҳолда, ушбу Конституцияни қабул қиламиз ва эълон қиламиз.

БИРИНЧИ БЎЛИМ. АСОСИЙ ПРИНЦИПЛАР

1 боб. Давлат суверенитети

1-модда.
Ўзбекистон — бошқарувнинг республика шаклига эга бўлган суверен, демократик, ҳуқуқий, ижтимоий ва дунёвий давлат.
Давлатнинг «Ўзбекистон Республикаси» ва «Ўзбекистон» деган номлари бир маънони англатади.

2-модда.
Давлат халқ иродасини ифода этиб, унинг манфаатларига хизмат қилади. Давлат органлари ва мансабдор шахслар жамият ва фуқаролар олдида масъулдирлар.

3-модда.
Ўзбекистон Республикаси ўзининг миллий-давлат ва маъмурий-худудий тузилишини, давлат ҳокимияти органларининг тизимини белгилайди, ички ва ташқи сиёсатини амалга оширади.
Ўзбекистоннинг давлат chegarаси ва худуди дахлсиз ва бўлинмасдир.

4-модда.
Ўзбекистон Республикасининг давлат тили ўзбек тилидир.
Ўзбекистон Республикаси ўз худудиде истиқомат қилувчи миллат ва элатларнинг тиллари, урф-одатлари ва анъаналари ҳурмат қилинишини таъминлайди, уларнинг ривожланиши учун шароит яратди.

5-модда.
Ўзбекистон Республикаси қонун билан тасдиқланадиган ўз давлат рамзлари — байроғи, герби ва мадҳиясига эга.
Давлат рамзлари давлат ҳимоясидадир.

2, 3, 4, 5, 6-бетлар



Ҳаётни мувозанатга келтирувчи айём

Камол МАТЁҚУБОВ,
Ўзбекистонда хизмат кўрсатган журналист

Яна баҳор келди. Яна оламда
Ажиб бир гўзаллик, ажиб бир баёт.
Мен сени қўтайман шу улуг дамда,
Улуг елкадошим музаффар ҳаёт!
Ташвиҳ ахтармангиз ушбу газалдан,
Нақд жойда насия не керак асли.
Аён бир хислатинг бордир азалдан.
Сени атамишлар уйғониш фасли!
Еллар ҳам уйғонди ишқалаб кафтин,
Офтоб ҳам юксалди — тик келар қўёш.
Тоглар ҳам юк ташлаб кўтарди кифтин,
Безавол майса ҳам силкитади бош...
Ҳовлиқма жилғалар чопар беэга.
Қушлар қий-чувига тўлмиш дала, бог.
Сенинг висолингдан қувонмай нега,
Баҳор, соғинтирдинг ахир кўп узоқ!

Давримизнинг улуг шоири эътироф этганидек, инсониятни узоқ соғинтирган, табиатни уйғотадиган, ҳаётни янгилайдиган, борлиқни ўзгартирадиган фаслларнинг кўрками ва эркаси баҳор замину замонда ана шундай бошланади. Бу фаслда нафақат дов-дарахтлар, майсалар, ўсимликлар юз очади, замин янги қиёфага қиради. Балки бутун олам онадан қайта туғилгандай яшаради, яшилликка бурканади. Баҳор шу тарика табиатни, борлиқни уйғотади. Табиатдаги, борлиқдаги уйғониш эса жамиятдаги, инсоният ҳаётидаги уйғонишни бошлаб беради.

Муносабат

КОНСТИТУЦИЯ — ХАЛҚИМИЗНИНГ ХОҲИШ-ИРОДАСИ ИФОДАСИГА АЙЛАНМОҚДА

Наримон УМАРОВ,
Олий Мажлис Сенати Суд-ҳуқуқ масалалари ва
коррупцияга қарши курашиш кўмитаси раиси



7

